

ԱՇԽԱՐՀԱԳՈՐԸ՝ ԳՈՅՈՒԹԵՆԱԿԱՆ ԱՆՀՐԱԺԵՇՏՈՒԹԻՒՆ

Posted on May 4, 2024 by Keghart



Category: [Editorials](#)



Վերդ Եազրճեան, «Ազգային Լեզեն» ռազմահայրենասիրական հասարակական կազմակերպութեան խորհուրդի անդամ, Երեւան, 29 ապրիլ 2024

Հայութեան փոքրաքանակութիւնը մանաւանդ Հայաստանի Հանրապետութեան մէջ եւ վերջինիս գրեթէ ամբողջովին պաշարուած ըլլալը թրջացել խաժամուժներով (Վրաստանի ու Իրանի հետ ՀՀ-ի սահմաններուն միւս կողմը մեծ մասամբ թրջագգիներ կ'ապրին) ԼՐՁԱԳՈՅՆ քայլեր կը պահանջեն հայութենէն ու հայրենի պետութենէն: Նորաբողբոջ երախային համար պարզէն իսկ պարզ է, որ անոնց հետ խաղաղ գոյակցութեան կոչերը, եթէ անոնք չեն ուղեկցուած Հ. Հ.ի ՀՁՕՐ ՊԵՏԱԿԱՆՈՒԹԵԱՆ ԳՈՅՈՒԹԵԱՄԲ, գայլի գլխուն կարդացուող ակետարաններ են:

Մենք ԴԱՏԱՊԱՐՏՈՒԿ ԵՆՔ ունենալու հզօր դիմադրական համակարգ: Ան պետք է ներառէ հետեւեալ հինգ բաղադրիչները՝ պետական կանոնաւոր բանակը, պահեստագօրը, պայմանագրային զինուորները (պետութենէն ամսական ստացող եւ յօժարական ժամանակաւոր զինուոր դարձած քաղաքացիներ), կամաւորներ եւ աշխարհագոր: Այսօր Հ. Հ.ի մէջ կան առաջին երեքը միայն, իսկ կամաւորները կը յայտնուին պատերազմական թեժ գործողութիւններու ատեն, ինչպէս եղաւ 44-օրեայ պատերազմին, որու ընթացքին՝ պահեստագօրը չօգտագործուեցաւ, թէեւ զօրաշարժ յայտարարուեցաւ:



Սակայն այս

չորս բաղադրիչները բաւարար չեն դիմագրաւելու մեր ապահովական մարտահրաւերները: Հետեւաբար, համազգային աշխարհագորի պատրաստումն ու առկայութիւնը ոչ միայն կենսական, այլեւ գոյութենական անհրաժեշտութիւն է այսօր: Պատերազմի թեժ փուլերուն, հայ ազգը պարտաւոր է թշնամիին դէմ հանել առնուազն 200 հազարնոց, զինուորական պատշաճ կրթութիւն եւ մարզումներ անցած, նաեւ ու անպայման՝ գաղափարական ազգային դաստիարակութիւն ստացած աշխարհագոր:

Ի դէպ, մեր պատմութեան ընթացքին, գոնէ միջնադարի առաջին կեսին, 4-րդ դարէն մինչեւ 11-րդ դարը, հայկական պետական բանակը, ըստ պատմաբան եւ քաղաքագետ Արմէն Այվազեանի, ունեցած է շուրջ 120 հազար զինուոր, որու կեսը արքայական զորագունդերը եղած են, մնացեալները՝ նախարարական զօրքերը: Սակայն, ճակատագրական պահերուն, անոնց միացած են մինչեւ 300 հազար աշխարհագորայիներ՝ պաշտպանելու համար հող հայրենին: Առանց այդ օժանդակ, բայց կարեւոր բաղադրիչին, պետական բանակը դժուար թէ դէմ դներ ներխուժող թշնամիներուն: Կարճ ըսած՝ ճակատագրական պահերուն՝ ազգը դարձած է ազգ-բանակ:



Սեւանի ճամբար 27 օգոստոս 2022

Այսօր կը դիմագրաւենք լինել-չլինելու գոյութենական վտանգ: Յոյսը թշնամիներու կամ նոյնիսկ բարեկամներու (աւելի ճիշդ՝ բարեկամ կարծուածներու) վրայ դնելը ՅԻՄԱՐՈՒԹԻՒՆ Է: Ցաւօք, Հ. Հ.ի վարչապետէն սկսած, անցնելով բազմազոյն ընդդիմութիւններուն, գրեթէ բոլորը իրենց յոյսը դրած են օտարներու կամ նոյնիսկ թրքազգի թշնամիներուն վրայ, ոմանք ալ ապաւինած են միայն Աստուծոյ: Աստուած իր արարածներէն միայն մարդուն շնորհած է բանականութիւն կոչուած յոյժ կարեւոր յատկութիւնը՝ ակնկալելով որ մարդը զայն կը գործածէ բարի նպատակներով: Այդ յատկութիւնով օժտուած է նաեւ հայութիւնը: Սակայն մի՞թէ մեր ազգը բանականութիւնը կը գործածէ իր ինքնապաշտպանութեան համար: Հազիւ թէ: Վերջին տարիներու իրադարձութիւնները այդ հարցումին բացասական պատասխան կու տան:

Այսօր, աւելի քան երբեւէ, մեզի անհրաժեշտ է ԳՈՐԾՆԱԿԱՆԱՑՆԵԼ ԱԶԳ-ԲԱՆԱԿ հայեցակարգը: Նախկին իշխանութիւնները այդ գաղափարը մեջտեղ նետեցին, սակայն նոյն անձինք նոյն ատեն կը կողոպտէին հայ զինուորին հացն ու զէնքը: Ներկայի իշխանութիւնները հիմնովին կը մերժեն այս գաղափարը՝ յոյսը դնելով արեւմտեան պետութիւններու եւ ... թշնամիներու բարեացակամութեան վրայ:

Ժողովրդային իմաստուն ասացուածքը կը պատգամէ՝ «ԵՂՈՒՆԳ ՈՒՆԻՍ, ԳԼՈՒՄԴ ԹԵՐԷ»: Ինչպէս համայն մարդկութիւնը, հայ հասարակութեան կէսը կը կազմէ իգական սեռը:

Մեր պարագային, հայ իգական սեռն ալ ՊԱՐՏԱԲՈՐՈՒԹԻՒՆ ՈՒՆԻ Էական մասնակցություն ունենալու Հայրենիքի պաշտպանության մեջ: Ահա թե ինչո՞ւ կամաւորներ ու աշխարհագորայիններ պատրաստող ԱԶԳԱՅԻՆ ԼԵԳԵՈՆ-ին մեջ յատուկ աշխատանք կը տարուի հայ աղջիկ ու կին աշխարհագորայիններ պատրաստելու ուղղութեամբ (ռազմական մարզումներ, նշանառություն, բժշկական նախնական գիտելիքներ, ռազմահոգեբանական եւ գաղափարական դաստիարակություն՝ բոլորը՝ ՁՐԻ, ներառեալ հանդերձանքի տրամադրումը): Կը բաւէ ըսել, որ 2021-ի գարնան երբ սկսանք մեր աշխատանքները, հայ իգական սեռին մասնակցությունը շուրջ 15 տոկոս էր: Այսօր ան հասած է շուրջ 40 տոկոսի: Եւ դեռ անելի՛ տոկոսի կը ձգտինք:



Աշխարհագորին մաս կազմելու ՊԱՐՏԱԲՈՐՈՒԹԻՒՆ ՈՒՆԻ նաեւ սփիւռքահայը՝ արու թէ էգ: Եթէ Հայրենիքը մեր բոլորի համայնական տունն է, անոր պաշտպանությունն ալ համայնական պարտաւորություն է: Ազգային Լեգեոնը վաղուց յայտարարած է սփիւռքահայ աշխարհագորայիններ պատրաստելու իր ցանկությունը, սակայն, յամօթ կեղծիքի ու պատրանքի մեջ ապրիլ սիրող մեր ժողովուրդի մեծամասնության, արձագանգ չէ գտած: Լոս Անճելոսի մեջ թէ այլուր մայրուղիներ գոցելով, տարբեր երկիրներու մեջ ցոյցեր ընելով, Artsakh is Armenia գոռալով Արցախը ... կորսնցուցինք: Հիմա կարգը Հ. Հ.ին հասած է: Հիմի՞ էլ լռենք, հիմի՞ էլ կեղծենք, հիմի՞ էլ ձեռքերը ծալենք, խելք ծախենք, շարունակենք իրարու հայիոյել, հիմի՞ էլ բաւարարուինք պաստառներով, «թղթ շերեփ»ներով եւ դրօշակ այրելով...

Պատասխանը քո՛ւկդ է՝ հայ երիտասարդ եւ երիտասարդուհի՛, քո՛ւկդ է՝ հայ ազգ:

1987-ի մարտ ամսուն իմ մէկ յօդուածս վերնագրած էի՝ «Հայ մարդու ազատագրութիւնը իր հոգե-մտաւոր կապանքներէն՝ նախապայման հայ հողի ազատագրութեան»: Նոյնը կը կրկնեմ այսօր՝ «հայ հողի ազատագրութեան» հետ աւելցնելով «հայ հողի պաշտպանութեան» բառերը:

Այս պարզ ճշմարտութիւնը հասկնալով հայ ազգային աշխարհագորին մասնակցելու փափաք ունեցող հազարներ եւ բիւրեր պիտի գտնուի՞ն, մանաւանդ սփիւռքի մէջ:

Գործնական պատասխանի սպասումով՝
Գեորգ Եազըճեան



There are no comments yet.